

IN DECIMU BELLA AURORA
NASCHIS DE GRAZIAS LUGHENTE

SIAS DE SA DEVOTA ZENTE
SANT'ARECA INTERCESSORA

- | | | | |
|---|---|----|--|
| 1 | Pizinaa de pagos annos
piena de santa dottrina
fuire s'eterna ruina
zelosa imparat sos munnos
pubblichende disingannos
fatta celeste dottora..... | 6 | In presone maltrattada
soffris pesantes cadenas
cun angustias e penas
moris a filu e ispada
pro cussu ses nominada
de sa fide difensora |
| 2 | Sas romanas podestades
ardente ira e furore
comundant gosu e onore
a sas falsas divinidades
ma de tales voluntades
ses valente binchidora.... | 7 | Cun tirannica violezia
perde sa vida mortale
alcanza sa celestiale
de sa divina clemenzia
disponet sa providenzia
sias nostra amparadora.... |
| 3 | Su tirannu cun lamentos
cumpatit sa mala sorte
e pro evitare sa morte
promittit vanos cuntentos
dispreziat fines turmentos
chi de Deus est servidora.... | 8 | Su gentile furibundu
occultat su corpus santu
s'incontrat cun mannu ispantu
in d'unu logu profundu
occulta fisti a su mundu
sa fama vivet ancora |
| 4 | Adorare idolos vanos
cun astuzia meta vile
su presidente gentile
solleciat sos cristianos
ma sos conizios tiranos
los dispreziat superiora.... | 9 | Clamores universales
ti celebrant portentosa
sende de Gesus isposa
das erbas medicinales
sanende funestos males
de grazias operadora |
| 5 | De candore angelicale
ses dotata de bellea
persighit tanta purea
cuddu inimigu infernale
un de s'ondra verginale
tue ses cunservadora | 10 | De Gesus s'isposa amada
devotos ti supplicamos
pro s'abba chi disizzamos
ti tenimus avvocata
chi nos benzat alcanzada
sa grazia tua a dogn'ora.... |

IN DECIMU BELLA AURORA
NASCHIS DE GRAZIAS LUGHENTE

SIAS DE SA DEVOTA ZENTE
SANT'ARECA INTERCESSORA